

ОӘЖ:574 (1917-1930)

АЛАШ ИНТЕЛЛИГЕНЦИЯСЫ: ТҮЛҒАЛЫҚ-ТАРИХИ КЕЛБЕТІ

Зарифулла Нұрилла
znurilla1@mail.ru

Л.Н.Гумилев атындағы ЕҮУ Сәулет-құрылымы факультетінің
«Сәулет» мамандығының 1 курс студенті, Нұр-Сұлтан, Қазақстан
Ғылыми жетекшісі-т.ғ.к., доцент Т. Қаленова

Тұлғатану отандық тарих ғылымында ділгір мәселелерінің бірі. Мәселе осы бағытта жүргізілген зерттеулердің аздығында емес, керісінше ол зерттеулердің өзегінің осалдығында болып тұр. Тұлғатануда ортақ теориялық-әдіснамалық негіздің және сыннан өткен бағалау өлшемдерінің болмауынан тарихи тұлғаны бүкіл болмысымен емес, жеке, топтық мұддеге қызмет ететін тар танымдық шенберде ғана танытумен шектеліп келеді. Бұл жағдай көбіне оқырманға тұлғаның өз қоңілі қалаган бейнесін ұсынып, тарихи ақиқаттың ауылынан алыстай береді.

Алаш зиялары асыл аманаты бізге тарихи-мәдени бірегейлігімізді, қарапайым тілмен айтсақ, қазакы қалпынызды қасиеттеп сақтауға міндеттейді, – дей келе олардың алдына қойған мақсат-мұдделері арқылы өткенімізді саралап, болашағымызға назар аударды. Замана қай уақытта да жүріп өткен жолынан сабак алғып, оның маңызды тұстарын үнемі ел жадында ұстау қажеттігін, ұлттымыздың біртуар тарихи тұлғаларын танудың маңыздылығын, оларды қастерлеуді айқындалап келеді. Нәтижесінде, Алаш тарихын, оның қайраткерлерінің ұлт игілігіне сіңірген еңбектерін адамзат құндылықтарына айналдыру барысында қыруар жұмыстар жасалды. Тарихта Алаш интеллигенциясы қай-қайсысы болсын — сөзі мен ісінде, адамшылығы мен өмір салтында алшақтық болмаған тұтас, кесек тұлғалар. Олар өздерінің болмыс-бітімімен, шама-шарқын, парызы мен борышын абайлап, бар өмірін, дарынын, күш-жігерін сол азаматтық борышын ақтауға жұмсаған. Сонымен, даналықтың шынына жеткен текті де рухы биік тұлғаларымыздың философиялық көзқарастарының қалыптасып жетілуіне

зор ықпал жасаған, ең алдымен о бойына біткен дара қасиеттер. Даналық — адамның сөзі, ісі, оның бүткіл болмыс-бітімімен көрінеді. Демек, даналық — тұлғаның сөзі мен ісінің үндестігі, жарасымдылығы. Алға қойылатын мақсаты — ұлт мұддесі, ұлтының жаңын ұғынып, рухын асқақтату. Даму тарихымыздың өрісіне тереңінен бой алған рух түсінігін ұрпақтарына табыстыра білген тұлғалардың тарихи келбеттері болашаққа жол сілтер бағыт екендігі анық. Бұның барлығы тұлғаның тарихи келбетін, тектіліктің, болашақта ел басқарып, билік айтқан көсем, туған жері, елі үшін ата жауға қарсы шыққан батыр, кемел ой толғап, кеменгер ой түйген ақын әрі қоғам қайраткері болып қалыптасуда даналықтарына арқау болған дүниелер.

Бейнесі жоғары, рухы биік тұлғалардың басты қасиеттерінің бірі — батырлықтарының дәлелі. Қазақтың нар тұлғасы XX ғ. басында ұлт-азаттық «Алаш» қозғалысының жетекшісі, қазіргі тәуелсіз Қазақстан Республикасының негізін жасаушы, экономист, тарихшы, этнограф, журналист, қоғам және саяси қайраткер, әдебиеттанушы, публицист, саяхатшы, географ және аудармашы Әлихан Бекейхан . Әуел шыққан сәтінде оның өткір өктем жүзінде көкшіл-қошқыл даты бар, ыстық сұық тегінің, ыстық сұық майдан үшін берген салқын қайрат лебі сол. Әлихан Бекейханов - қазақ тарихында демократиялы баламалы түрде сайланған Алаш Орда – Ұлт кеңесінің тұнғыш төрағасы. «Хан баласында қазақтың хақы бар еді, тірі болсам қазаққа қызмет қылмай қоймаймын» — деген асыл ердің тектілік, намысшыл, ұлтжандылық секілді қасиеттері әр қазаққа ұлті болуы тиіс! Ал оны ұлті ету үшін әр адамның санасына Әлиханның қандай намысшыл, ұлтын сүйген ұлы адам екенін жеткізу керек. Әлихан Бекейхановтың тұлғалық тарихи келбетің зеріктей отырып, бізге жеткен мынандай деректер бар:

1.«Бірде тегі неміс В.Радловқа Әлихан Бекейхан: «Сіз қазақтың құқықсыз екенін биік орталарда айта жүрініз» деп қолқа салғанда, анау: «Құдай әрбір ұлтқа түрлі тағдырды бүйірады. Сіздер бұған көндігүлерің керек» депті. Мұны естіген Әлекең Радловты көрсе, не кілт бұрылады екен, не ол кіргенде шығып кетеді екен. Бұл не? Бұл – принцип. Бұл – «ғалым бүйтіп айтпайды, сенің қасында отыру – ұлтымды қадірлемегендік» деген протест».

2. Төлеубай деген кісі кезінде Меккеге барып, қажы атанған екен. Осы сапарда Қара теңіз жағасында Әлихан Бекейханмен ұшырасыпты. Қажылық сапар шеккен адам әр жерде садақа беріп, екі дүниенің обал-сауабын ойлайды ғой. Пітір-садақа беріп жатқанын көріп, Әлихан Төлеубай атамызға: «Жат жүрттың бейшараларынан бұрын, әуелі қазақтың қалың жарлы-жақыбайын тойындырмадының ба?!» депті.

3. Тергеушілер Әлекенді жауапқа тартып: «Сіз «Алашорданы» білесіз бе?» – деп сұрап қойғанда: «Маған «Алашорданы» білесіз бе? – деп сұрап қойма. Мен –«Алаш» партиясы мен «Алашорда» кеңесінің төрағасымын, «Алашорда» үкіметінің төрағасымын. Сондықтан да оның іс-әрекетіне толық жауап беремін. Ал «Алашорда» Кеңес өкіметін мойындағ, оның бұрынғы іс-әрекеті үшін ешкім де, ешқашан да жауапқа тартылмайтыны туралы Ленин қол қойған келісімнен кейін ол үкімет тарихтан кетті. Егер де Лениннің қолы оның өзі өлген соң жүрмей қалса, онда ушінші адам болып Сталин қол қойған. Ол келісім күшін жойған жоқ. Жойса, келісім бойынша, маған хабарлар еді. Мен Сталиннен ондай хат алғам жоқ. Әлде сендер оны мойындармайсындар ма? Онда маған жазбаша жазып беріндер. Ал жазбасандар, демек, ол келісім күшінде, одан да келесі сұрағына көш», – деп жауап берген.

4. Бекейханов болмысының салауатты, алдына келген жанның мысын басатын өзгеше жаратылыс иесі екендігі. Бұл жайлы Әлкей Марғұлан, Қалижан Бекхожин, Галым Ахмедов, Мариям Мұқанова, Валентина Николаевна Әуезова естеліктерінде ашық жазған. Тіпті, тұтқындауға келген Мәскеудің үлкен лауазымды тергеушілерінің өзі тұтқындастын кезде артық мінез көрсете алмаған. Лиза Әлиханқызы Бекейханова былай деп еске алады: «Әкемнің мысы кез-келген адамды басып түрушы еді. Әкем өзін тұтқындауға сауылдап кіріп келген тергеушілерді көргенде саспастан: «Лиза, шай қой. Қонақтар келді. Бұл мәдениетті кісілер, дәстүр аттамайды», – деді. Олар үндей алмай қалды. Сол паузаны пайдаланып: «Кешіріңіздер, телефон шалуға бола ма?», – деді. Олар рұқсат берді. Қөршісі, аса белгілі кеңес ғалымы трубканы алғанда: «Вася! Мен ұзақ командировкаға кетіп барамын. Лизаны

саған тапсырдым. Аманат!» – деді де маған қарап: «Лиза! Сен анда-мұнда жүгірме. Одан ештеңе шықпайды. Бұл «барса-келместің» командировкасы», – деді сабырмен. Тергеушілер мұның бәрін үнсіз тыңдал тұрды, үндеуге бата алмады. Мен соған таңқалдым. Әкемнің салауаты оларды еш оғаш қылық көрсетуге мүмкіндік бермегі». Бұл әңгімені Лиза Кенес тұсында Алаш тарихынан жабық тақырыпта докторлық диссертация корғаған тарихшы Жақсанлиевке айтып берген. Әлекенді көрген адамдар: «Біз Бекейхановпен еркін сөйлесе алмаймыз. Оның мысы басып тұрады және астарлап сөйлейді», – дейді еken. Әлекен өзінің сырын санаулы ғана адамдарға айтқан. «Мен тек Байтұрсыновпен, Дулатовпен ғана ұлт туралы ашық сөйлесе аламын», – дейтіні сол.

5. Әлихан сондай ұлы тұлға нәзік жанды, адамдарға бауырмал, жаны ашығыш, сезімтал болған. Лиза Бекейханқызы: «Әкем Смағұл қайтыс болғанда қатты қайғырды. Өзі барып, оның денесін көркаптан алғып, мәйтін медициналық тексеруге апарды. «Өндірістік улану» деген диагноз қойыпты. Денесін крематорийге өртеді. Бұл оның жанына қатты батты», – деп еске алады. Бекейханов Смағұл Сәдуақастың қазасына тек күйеу баласы ретінде қабырғасы қайсып отырған жоқ, өз идеясын, Алаш идеясын алға апаратын үмітті шәкіртінен айырылған ауыр қайғыдан егілді. Алаш идеясы өлген сияқты көрінді. Міне, осындаған жаны нәзік адам. Кез келген жағдайда мысқылмен, қалжыңмен қарсы алатын Әлихан Бекейханов осы бір Алаш идеясын ақсатпай атқарады деген азаматы жазықсыз қазаға ұшырағаны жанына батты. Демек, Алаш идеясына келгенде Әлихан Бекейханов өзінің өмірін арнауға, күресуге бар. Ал идеяны жүзеге асыратын тәсілге келгенде сондай нәзік әрі үайымшыл.

6. Әлиханның тағы бір тұлғалық, адамгершілік қасиетін Әміре Қашаубайұлына байланысты, 1925 жылы Париже дүниежүзілік этнографиялық концерт болады. Оған Әміре баратын болып бекітіледі. Соған байланысты Әлекен Ахмет Байтұрсынұлына ренішпен хат жазады. «Әміре Қашаубайұлын Парижге жібермекші. Ол бір де бір ән сөзін толық білмейді. Болмайтын нәрсені айтады. Мен оны әншілердің арнаулы үйіне апарып, ән салдырдым. Әйтсе де, Әміре ән салған кезде қатты ұялдым. Айтқан әнінің сөзінде пәтуа болсашы. Бір ән сөзін жаттатуға болатын еді ғой. Өзі орыс мещаны сияқты киінеді. Оны дұрыстап киіндіру де соншалық қыын іс пе еді» – деп назын айтады. Әрі өзі бас болып, Әміреке ән сөзін түгел жаттатқызып, арнайы студияға барып, әнін жаздырып, жаңаша киіндіріп, аттандырады. Әлихан болмағанда Әміренің алтын дауысы бізге жетер ме еді? Бір Құдай білсін. Мәскеуге барып, ары қарай Париж аскан Әміренің өліміне сол сапардан оралғандағы сөзі себепкер болды деп айттылады. Әлихан Бекейханов пен Мұстафа Шоқайды жолықтырып, дәмдес болып қайтқан соң Әміре: «Сендер мұнда келіп ап қазақпын деп мақтанасындар. Ал мен нағыз қазақты Мәскеу мен Парижден көрдім», – дейді еken. Ол сөз «салпанқұлақтардың» құлағына жетіп, Әміренің ғұмырын көктей солдырған. Міне нағыз патша келбеті, міне ұлт көсемі!

Қазақ халқының тарихында ұлы өзгерістер мен қыын-қыстаулар алғып келген XX ғасырдың басында Ресейдегі қоғамдық-саяси оқиғалар ұлттық сананың осуіне, қоғамдық ой-пікірінің әлеуметтік мәселелерге батыл араласа бастауына ықпал жасады. Ол отырықшылық пен көшпелілік, ел басқару ісіне араласу, жер және зан, ұлттық тәуелсіздік, дін, оқу-ағарту секілді заман алға тартқан күрделі мәселелерді жан-жақты көтеріп, халық мұддесі тұрғысынан шешуге талпынды. Осының барлығы жинақтала келіп, ғасыр басындағы қазақ баспасөзін туғызды, олар осы қоғамдық-әлеуметтік ой-пікір орталығына айналды, ұлттық публицистиканы дамытты.

Ақаңның аты аталған жерде «Қазақ» газеті қоса аталады. Ахмет Байтұрсыновтың тұнысы тіршілігіндегі болып, қазағына әсерлі, зерделі ой салған «Қазақ» газеті халқына үлкен қызмет жасады.

Ахмет Байтұрсыновтың көсемсөзін, шығармашылығын шола отырып көп уақытын, күш-жігерін оқу-ағарту ісіне, ел мәдениетін көтеруге ұмтылған ағартушылыққа және әдебиеттану, тілтану саласын ұлттық ерекшелік тұрғысынан зерттеген ғалымдық қызметіне арнағанын байқаймыз. Ахмет Байтұрсынов өз қоғамындағы барлық маңызды мәселелерді сөз

еткен. Көсемсөзінде бірқатар орын алатын оку, білім, өнер тақырыбы. Оның тұлғалық келбеті басқалардан өзгеше болған, оған дәлел ретінде келесі деректерден байқауға болады.

1. Ахмет Байтұрсынов өзінің көсемсөздерінде оку-ағарту мәселесіне көп көңіл бөлді. «Қазақша оку әлі бір белгілі тәртіпке келіп жеткен жоқ, кемшілігі есепсіз көп. Қазақша оку кітаптары жаңа ғана көрініп келеді: тәртіппен оқытарлық мұғалімдер аз, оку программасы жоқ, белгілі оку жылы жоқ, салған мектептер жоқ, мұғалімдерге арналған айлық ақы жоқ, қазақша оқуды аймаққа бірдей жеткілікті етерлік жасалған өрнек жоқ, оқыту ғылымын үйрететін даримұғалимин жоқ», — деп қазақ мектептерінің заман талабынан тысқары қалып отырған жай-күйін күзеле жазады.

2. Ахмет Байтұрсынов орыс миссионерлерінің қазақ халқын орыстандыру үшін жасап отырған айла-әрекеттерін жақсы түсінген. Ол кісі Ресей сияқты үлкен мемлекеттің жоспарлап отырған ірі саясатының құрбанына айналып кетпеу үшін қресті. Қазақ өзінің халықтығын, ұлттығын жоймас қамын жасау керек. Ол үшін ана тілінде әліппе жасап, сабакты ана тілінде жүргізіп, мектептерді заман талабына сай жабдықтап, педагогикалық білімі бар білімдар ұстаздар дайындау қазақ оқығандарының алдында тұрган маңызды міндет болды.

3. Осы кезге дейін қазақ қоғамында орын алғып келген ана тілін менсінбеушілік, жете бағаламаушылықтың түптамыры әріде жатқанын аңғарамыз. Ахмет Байтұрсынов осы улы тамырдың тереңге жайылмауын, жас буынды шырмауының алдын алмақшы болып қресті. Ұытты сөздерімен құрбандыққа айналып бара жатқан халқының санасына әсер етпекші болды. Бұл мақсатынан қашанда бас тартқан емес.

4. Қоғамдық-әлеуметтік мәселелерді сөз еткен мақалаларында Ахмет Байтұрсынов өз заманының өзекті деген тақырыптарына қалам тартып, халқына қамқор болу, елге қызмет жасау идеясын насиҳаттады. Мұның бәрі азаттық туын қазақ көсемсөзінде желбіретіп, «Ұытың, арың оянсың» деген Абай дәстүрін тарихи сабактастықпен дамытқан. XX ғасыр басындағы көсемсөз өзіндік ерекшелігімен жаңа бір қырынан танылды. Сол шоқтығы асқақ тұлғалар қатарында Ахмет Байтұрсынов жүлдзызы биік болып қала бермек.

5. Сонымен қатар баспасөз халықтық эстетикадан бастау алғып, XIX ғасырда жаңаша сипат алуға ұмтылған оқыту қажеттігін тудырды, ол педагогиканың дамуы мен оны зерттеу мәселелерін нақты және жан-жақты сөз етуде сәтті қадамдар жасады. Білім беру ісі өркен жайып, әдістемелік түрлері дамыды, жаңа көркемдік ізденістерге ұмтылды. Баспасөзде фольклорлық және класикалық мұраның тандаулы ұлгілері жарияланды, әдеби жинақтарға енді, жеке кітап болып басылып шықты. Осыған сай оқыту саласы да әр дәрежедегі эстетикалық биіктеге қол соза бастады. Кітап шығару ісі қызу қолға алынды.

Өзінің көсемсөздерінде қазақ тағдырына байланысты сан алуан көкейкесті мәселелерді қозғап, халқына жеткізуге, көкірек көзін ашуға ұмтылған заманың озық ойлы азаматы еді. А. Байтұсынов ел есінде өзінің өнеге болар өмірімен, шығармаларымен қалды. Ол кісі данышпандығы мен ұлылығын өз кезінде-ақ мойындаған. А. Байтұсынов сөздерінің жаңтырығы бүгінгі ұрпақтарын да бейтарап қалдырмады. Ұлттық тәуелсіздік, ұлттық армия, ұлттың өзін-өзі басқару туралы концепцияларды Ахмет Байтұрсынов мүше болтан «Алаш» партиясы іске асыра алмай арманда кетсе, бүгінгі ұрпақтары сол идеяларды жүзеге асыру үшін құресуде. Сондықтан да халқының Ахмет Байтұсыновтың тұлғалық -тарихи келбеті, қазақ тілін негізгі қалаушы ретінде, қазақ елі үшін өз өмірін құрбан болған, ұлы дана, «алаш» қайраткері болып мәнгі тарихта қалады.

Алаш интеллигенциясының тағы бір ұлы қайраткері, қаламгерлердің қатарында, ақын әрі жазушы, драмашы әрі аудармашы, ұстаз әрі, ағартушы Жұсіпбек Аймауытовтың есімі айрықша орын алады. Жұсіпбек Аймауытовтың өмірін зеріктей отырып, оның қандай адам болғанын, тарихи келбетің қандай болғанын зеріктеп, мына деректерді қарастырды.

1. Жұсіпбек дарынды ұстаз болған. Оның халыққа білім беру орындарында ұстаздық, жетекшілік қызмет атқара жүріп жазған жас ұрпақты жаңаша тәрбиелеу, жаңаша білім беру мақсатын қөздең «Тәрбиеге жетекші», «Психология», «Жан жүйесі және өнер тандау» атты елеулі кітаптары мен оку құралдары кезінде халық тағдыры үшін ерекше

рөл атқарған еңбектер болды. Ол поэзияға жаңалықтар енгізген: атап айтқанда, верлибрді қосып, өлеңнің сырткы үйқасы бұзылғанымен, өлеңнің ішкі ырғағы сақталған.

2. Ол қазақ халқының отаршылдық пен ішкі ауқатты топтың екі жақты езгісіне қарсы тәуелсіздік үшін күрес идеясымен сусындал, әдеби шығармашылығын төңкеріс түсінде бастады да, оны 20-жылдары айрықша дамытып жетілдірді. Ақын, драматург, прозаши, публицист, сыншы, аудармашы Жұсіпбек бұл кезде әдебиеттің көптеген жанрларында өнімді жұмыс істей жүріп, осы жанрлардың ұлттық әдебиетімізде орнығына, шеберлік жағынан жетілуіне аса зор еңбек сінірді. Қоғамдық дамудың бағыт-бағдары мен заманның қайшылықты сипаты жайлы кең толғанып жазды.

3. Ол ауыл молдасынан оқып сауатын ашады. Тиіп-қашып әр қылыш молдалардың (өзі айтуынша, Жұніс қожа, Шәймерден қожа, Қожахмет молда, Қапар қажы, Мұхамеджан) алдын көріп, ескіше едәүір білім алады. Содан кейінгі біраз уақыт өзі де молдалық құрып, бала оқытады. «Қартқожа» романында Ж. Аймауытов бала молда ретінде өз өмірінің осы түсін суреттеген.

Алаш идеологиясын қалыптастырушылардың бірі. М.Дулатұлының қоғамдық-саяси қызметі қазақ зиялыштары Ә.Бекейханов, А.Байтұрсынов, Ж.Аймауытовтармен тығыз байланысты. Қазақтың зиялы қауым өкілдері сол қоғамның ең өзекті мәселесі отарлық езгіге қарсы ұлттың санасын оятып, оны қалыптастыру жолында өздерінің шығармашылық қызметтерімен де, қоғамдық-саяси қызметтерімен де алға шығып, қалың қазақ халқын сондарына ілестіре білді. Қазақ халқының бойындағы ұлттық рухты, сана-сезімді ояту мақсатында, халықтың көзін ашу жолында аянбай күресті. Осы мақсатта «Қазақ», «Сарыарқа», «Алаш» газеттері арқылы орасан зор жұмыстар атқарды. М. Дулатұлының тұлғалық келбетін зеріктей отырып, мына деректерге бет бұрдым.

1. Жастарды қоғам ісіне тартуда, олардың ой-санасының жетілуіне қажетті мәдени-ағарту саласында жүргізген қызметтері ұшан-теңіз. Міржақып сол кезеңдегі үкіметтің жүргізіп отырған саясатын шенеп, қазақ елінің егемендігі, ел болып жерге, суға иелік ету мәселесі, қазақ шаруаларының мұн-мұқтажы, қоныс аударушылар жайлы газет бетіне мақала, сын, әнгіме, өлеңдер жариялай бастайды. Оның алғашқы үкімет саясатын сынай жазған мақаласы «біздің мақсатымыз» деген атпен 1907 жылы «Серке» газетінде басылып шығады. Ал 1909 жылы Петербургте Міржақып Дулатұлы қазақ халқының көзін ашуға талпынып «Оян, қазақ!» деген кітабын жариялады.

2. Ақын «Оян қазақта» патша өкіметінің қазақтардың малға жайлы шұрайлы жерлерін тартып алып, ата-баба бейтін бұзып, халықты қалай болса солай тартқылап, не тіліне, не діліне, не жеріне иелік етуге мүмкіндік бермей, әбден езіп, жаншығаны Міржақыптың жүргегіне ауыр тиеді. Осы өлеңі арқылы халықтың ауыр тұрмысын ойлап, сынға алып жазады. «Оян, қазақ!» кітабы патша үкіметіне ұнамағандықтан М.Дулатұлы қамауға алынады. 1913 жылы А.Байтұрсынов, Ә.Бекейханов, М.Дулатұлылардың белсенделілігімен «Қазақ» атты биресми газет шығарыла бастайды. Бұл газетте негізінен қазақ халқының қоғамдық мұдделерін көксеген жер, оқу-ағарту, ұлт, дін сияқты маңызды мақалалар жарияланды. Сөйтіп «Қазақ» газеті қазақ зиялыштарының басын біріктірді.

3. «Қазақ» газеті арқылы «Алаш» партиясын дайындауда да елеулі жұмыстар атқарды. Қазақтың ұлт интеллигенттерінің алғашқы қадамы, қазақты біріктірудегі, көзін ашудағы, сана-сезімін оятудағы жұмыстар тікелей осы газет арқылы іске аса бастады. «Алаш» автономиясы мен Алашорда үкіметін құруда Міржақып Дулатұлы көп еңбек сінірді. Сонымен қатар М.Дулатұлы – әдебиеттің әр түрлі жанрына қалам тартқан қаламгер. «Оян қазақ!» кітабынан бөлек, екінші өлең кітабы 1913 жылы Орынборда «Азамат» деген атпен жарыққа шығады. «Азамат» жинағына негізінен нәзік лиризм тән. Мұнда ақын адамның ішкі сезім-толғаныстарын, табиғаттың әсемдігін айшықты бедерлеуге дең қойған.

4. Оқу-педагогтік қызмет - өмір бойы қаламгердің айрықша көңіл аударған, қолы босаған сәтте ықыласпен айналысқан жұмыстарының бірі. Қазақ халық ағарту институтында ұстаздық еткен жылдары ол осы саланың өзекті мәселелері туралы өткір мақалалар жазды, жаңа шаңырақ көтеріп жатқан оқу орындарына арнап «Есеп құралы. Бастауыш мектеп

окушыларына», «Есеп құралы. Бастауыш мектепте екінші жыл оқытылатын», «Қирағат кітабы» оқу құралдарын шығарды.

Тарихшы Мәмбет Қойгелдиевтің пікірнше, сол кездері көпшілікке танымал болған «Қазақ» газетін Міржақып Дулатұлының қарымды қаламы, көксермер сөзі, жалынды публицистикасының елестету мүмкін емес. Ол еңбектерінде ол Міржақып туралы: «Міржақып өте жылдам жазған және өте еткір тақырыпқа жазған. «Қазақ» газеті сондай сапада, сондай биіктікten көрінуіне, меніңше, бірден-бір Міржақып Дулатұлына қарыздар. Жалпы Міржақып Дулатұлы – қазақ журналистикасын жаңа сапаға көтерген адам», - деген пікір айтыпты.

Қолданылған әдебиеттер тізімі

1. Абжанов Х.М., Гуревич Л.Я. Интеллигенция Казахстана: история, теория, современность.- Алматы, 1992.
2. Кенжин А. К исторической оценке деятельности партии Алаш. Известия Киробкома ВКП (б). 1993.№1.
3. Құдарбердиев Ш. Шығармалары.- Алматы, 1998.
4. Озғанбай Θ. Ресей Мемлекеттік думасы және Қазақстан (1905-1917жж.).- Алматы,1997.
5. Федюкин С.А. Великий Октябрь и интеллигенция.- М., 1972.
6. Е.Тілешов, Д.Қамзабекұлы. Алаш қозғалысы. - Алматы, 2014.
7. Имаханбет Р.С. Ахмет Байтұрсынұлы: ғұмырбаяндық деректер. «Алаштың Ахметі»: Респ. Ғыл.-тәж. конф. Материалдары.-Қарағанды: TENGRI Ltd, 2013.-382 б.
8. Қазақ мәдениеті. Энциклопедиялық анықтамалық. Алматы: Аруна Ltd. ЖШС, 2005 [ISBN 9965-26-095-8](#)
9. Әшкеев Н. Ә.Бекейхановтың ұлттық мемлекет құрудары ұстанған негізгі принциптері // Ақиқат , 2002 , №3, 50 -55 б.
10. Қойгелдиев М. Алаш қозғалысы.- Алматы: Санат, 1995, 23-28 б.
- 11.Нұрпейісов К. Алаш Һәм Алашорда.- Алматы: Ататек, 1995, 156 б.